

9

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

DEC 18 1961

鄭奉真隱漫錄卷第三十九

政語 上卷政語

六老會政語

鶴園是田畝、壽鄉之境、界桃源、蓬萊、蓬山、春
日之風、克惟同生、積善之家、斯並享長年之慶
園樂、迺坐宜樂、騰歡、亦惟太宜人、慈、強、母、師、和
柔、婦、則、風、理、新、樂、之、賦、遊、揚、閭、閻、之、麻、致、政、太
保、知、府、通、判、監、場、青、幹、蘇、諮、齊、若、墳、簾、迭、和、有
康、醫、之、史、美、無、聞、播、之、煥、疑、任、格、辨、疑、俱、禮、白

鄭峯真隱漫錄卷第三十九

致語

上梁撤帳
等文附

六老會致語

鶴圃龜田渺、壽鄉之境界桃源蓬島遲、春
日之風光惟同生積善之家斯並享長年之慶
團樂匝坐豈樂騰歡恭惟太宜人慈儉母師和
柔婦則夙謹蘋蘩之職遂揚閨闈之麻致政太
保知府通判監場省幹酥酪齊名頃篋迭和有
燎鬢之友愛無闕牆之嫌疑仕路聯鑣俱擅白



眉之譽雲衢接武行膺黃髮之詢雁序雍雍棣
華韓已繪丹青為六老更陳樽俎於一筵莫
不香靄沈檀捧玉爐而獻頌先生朱紫環芝砌
以承顏可謂舉世難儔豈非作福相似某等優
伶在列盛事親逢不揆荒蕪敢呈口號
六人四百四十歲好是同賓一氣生王母蟠
桃三度熟竇家仙桂五枝榮蓬壺影裡環嘉
客袞綉堂中溢頌聲太史占祥應入奏光躔
南斗壽星明

五老會致語

化日舒長益行松椿之算清時豈樂真繁鐘鼓
之音慶逢五老之尊來萃一筵之上輒伸善頌
用洽多歡恭惟袞綉主人簪纓重客英姿玉立
崇論風生肯嘗為同隊之魚今並作還家之鶴
當此良辰美景何妨妙舞妍歌霞液浮香擁三
春之麗色金猊靄瑞祝千歲之遐齡某等叨預
伶倫幸逢芳宴敢呈口號上奉鈞顏

昔日翔翔藝圃中詞鋒凜凜各爭雄倦飛雅

遂鴻冥志良集皆成鶴髮翁休問功名千古
後且欣花月一樽同明朝太史應馳奏壽象
聯珠見南東

待權明州延提刑致語

淳熙十三年
十月以提熙刑獄

兼權十二
月回司

綠野僊翁已荐辭於相印綉衣膚使茲就領於
州麾既幸相逢何妨道舊宜開燕喜以洽歡謠
恭惟惟府某官學海修鱗士林茂幹昔居禁藥
獨高頗牧之稱今擁輶車兼著龔黃之譽將視

儀於揆路益敦念於交情致政太傅欣同千里
之氓重託二天之茂式歌且舞雖慚柳腰鶯舌
之妍不醉無歸且樂月榭風亭之勝某等叨居
樂部幸預伶倫不揆無才敢呈拙句

山水東鄞本自佳使星臨照愈光華甘棠美
蔭踰千里畫角仁聲度萬家正喜泉香淳竹
葉更看杯影浸梅花最聞便有芝封到莫惜
連宵暈臉霞

待胡少張王叔舉二孫壻致語

胡綱乃彌
大婿王友

元乃彌
正婿

南國多賢夙著瑱筮之譽東床擇婿俱成琴瑟
之和輒罄歡謠以華雅燕恭惟安之學士瑯琊
學士才猷世濟詩禮家傳當後敏之妙齡蘊功
名之壯志未見其止何施不耳儒雅自將笑孫
策周瑜之雜霸清明有裕無南容公冶之微瑕
同登衮綉之高堂用集門闌之喜色致政太傅
慶二孫之嘉耦陳百禮之芳筵環列綺羅兼為
文字之飲鼎新絲管益侈安樂之音其不揆荒

蕪敢呈拙句

鬱蔥佳氣霽鄞川
騰說侯門得二賢
天下中庸追遠躅
江東雋秀踵遺編
歌喉現院鶯同麗
舞袖翩翩蝶共妍
行看聯名登虎榜
親闈歸侍綵衣鮮

姊加封太宜人慶會致語

九重貴老尊金母於瑤池一札疏封育素娥於
月窟慶珠履玳簪之集侈錦標綉軸之榮不有
歡謠曷成雅宴恭惟太宜人賦質柔淑持已靜

專勤儉為先世仰治家之法詩書是好人推教
子之方用被寵光益彰懿德豈唯輝華於里社
抑知歆豔於播紳得不親戚團樂笙歌難還金
爐毓火焚百和以拜恩玉笋翻波指千春而祝
壽某等叨居樂部幸遇芳筵不揆荒蕪敢呈口
號

鄖山鄖水百祥開一軸絲綸天上來應為教
忠登仕籍遂膺錫類到蘭陔笙簧叢裏歌新
闋錦綉光中荐寶杯從此芝封須疊至長教

壽母夏春臺

德翁弟轉員郎慶會致語

洪範五福一曰壽適當釣渭之年宗伯九儀六
命官更喜登廊之選宜陳燕席用洽歡謠恭惟
知府監簿古鄖偉人澄江賢牧出仕即膺於帝
眷蜚英每在於王畿皂蓋朱輪洋溢袴襦之詠
紅顏綠髮雍容龜鶴之姿茲寵拜於明綸獲榮
陞於美秩行契維師之什以光貴老之朝致政
太傅滿座簪纓闔門珠藥俱預捧觴之集率懷

賀厦之私莫不祝雲路之九遷指蟠桃之三熟
某等叨居樂部幸遇芳筵不揆荒蕪敢呈口號
洋洋鄞水百祥臻天祐龍門萃達尊又見常
珍登耄齒更欣華袂亞星垣龔黃政美褒且
重冀翼光騰福正繁他日老更興咸舉會看
兄弟迭承恩

燕新第鄉人致語

淳熙十四年明州一十
三人王容榜彌遠

志 彌愈 遠 詔 趙希言 姚 羅

鸞鷲鷓鴣必同棲方丹穴驂駟駮斯畢萃於

玉闕繫我回明寔生多士即宸墀而射策指仕
路以彈冠爰秩芳筵用揚善頌恭惟某官等熙
朝後造間世莫豪或推梓里之良或擢銀潢之
秀過庭詩禮家有義方比屋夔龍人無異行洵
奉承於大對乃力進於危言喜動冕旒榮頌組
綬茲功名於發軔且燕衍之加邁致政太傅適
在耄齡欣逢盛事此時鴈塔既容子姪之聯名
佗日雲衢將見友朋之引類得不望歌雜還笑
語續紛展醉席於梅花拚頽山於蕉葉但某等

叨居樂部幸筵鈞階不揆荒蕪敢呈口號
鄭岳鐘秀地靈開多士相將謝草萊曼玉錡
金俱傑出紆青拖紫正朋來未饒衛國多君
子何獨山東有相材富貴功名隨步武清時
鐘鼓且銜杯

復諸親慶會致語

伏以衣繡思歸故鄉雅意友朋姻戚賞心喜并
樂事寓情俎豆壺觴式因主禮之先施斯乃賓
筵之初秩是為高會且有歡謔恭惟滿座懿親

同時重客或填荒並奏或鸞鳳于飛雲臻簪笏
之團藥環擁芝蘭之間錯曲昭眷誼併示恩勤
勿嫌仙里之鳩蟠將見亨衢之驥展致政太師
欣陪情話聊集英標莫不泉石增輝烟霞互映
紫萸黃菊未衰昨日之馨香白鶴青松共醉修
齡之光景其等叨居樂部幸遇華筵不揆荒蕪
敢呈口號

潭府今朝雅宴開郁紛佳氣霽蓬萊笙歌叢
裏環珠履袞繡光中泛玉杯已喜羣仙來閩

花更頹三熟獻瑤臺料應太史占乾象星斗
森羅擁上台

寄居慶汪中嘉尚書年登七袞會致語

猶大

伏以年歷從心眉壽已臻於黃髮仕躋聰履華
資又復於青氈疊慶事於熙辰沸歡謠於宴席
恭惟觀使閣學尚書孔顏奧學稷契良臣摘文
錦綉裏旰腸待物江河韜度量自蜚英於雁塔
即擅譽於鵷行持藜橐以處從班久罄論思之

思之職擁碧幢而臨帥閭荐揚愷悌之風勇退
急流燕居仙里訪老人於南極鶴返遼東起學
士於西清珠還合浦是宜賀客俱集適齋致政
太師闔郡貴遊同門勝侶喜修恭於桑梓恣樂
飲於觥觴莫不絲竹聲和綺羅香煖四座山頽
於醉玉兩行春媚於奇葩某等叨預冷倫欣逢
樂事輒陳口號上侑芳筵

回明山水畫圖開天祐神仙間世來賸喜千
齡纔七袞更祈八座上三台簫韶聲裡翻紅

袖組綬光中醕玉杯每閱十期成再會方瞳
丹臉永如孩

宴明守林郎中致語

伏以松菊未荒故老歸安於三徑壺觴畧具賢
侯來駐於雙旌賓主欣臭味之均園林暢風烟
之美恭惟判府制置煥章郎中熙朝碩望聞世
真儒發轍道山見羣英之避席揚鑣星省致同
舍之依仁把麾馳愷悌君子之風攬轡有澄清
天下之志適膺褒紱榮鎮雄藩方敷條教以下

車已底姦克之落膽一言寬大坐回六邑之陽
和十里阜康行紀回明之德政會飛芝檢趣侍
楓宸致政太師夙慕聲猷茲披雲霧非絲非竹
樂追共飲之歡載笑載言各恨相逢之晚小遲
花漏頻倒玉山但某等獲奉芳筵慙無麗思輒
陳口號上贊襟期

春融綠野日遲遲五馬相從燕喜時濕翠峰
前揮玉塵香梅影底引瑤卮適聞聖主詢黃
髮將趣文翁上赤墀且趣好天同一醉陶

莫間夜何其

宴奉使楊御藥致語

伏以隱、星輶擁紫霄之近侍，熒、鳳檢起黃
髮之師。臣即綠野以奉迎，開綺筵而燕喜。宜申
善頌，用洽歡謔。恭惟奉使御藥太尉德義素彰，
忠嘉備具。受三朝之毗倚，作中禁之表儀。茲奉
明綸來駐光華之節，行歸內闕。進登峻異之班，
致政太師。相公夙仰賢名，欣瞻英表。西湖風月，
正當景物之芳菲。北海樽罍，聊盡主賓之醴醑。

得不鵲爐烟暖，龍笛聲和舞。翻回雪之輕盈歌，
歇行雲之縹緲。良辰既得沈醉，何辭某等幸預
伶倫叨居樂部，敢呈口號。上侑多歡。

神聖相承，樂太平尊賢貴老，有真情燿、鳳
闕飛丹檢赫、輶車下紫清觴。豆交酬當美
景笙竽合樂起，新聲客星今喜使星聚。乾象
森羅徹曉明。

寄居慶汪中嘉尚書致語

伏以畫錦而歸故鄉，已符雅志。春酒以介眉壽。

更慶修齡輒奉歡謔用資燕樂恭惟致政閣學
尚書德尊道妙學富材優自登鴈塔以揚鑣旋
蓮龍庭而持橐論思獻納屢膺睿獎之綜綸愷
愷中和游領帥權之戲鉞誠而接物惠以濟人
惟桃李之方繁致松椿之益茂甘泉聽履久欽
閱歲之舒長神武掛冠又喜及身之彊健行見
乞言而成福祿豈唯頷首以視雲仍致政太師
闔郡貴游滿座重客式因誕日同款適齋陳北
海之清樽祝南箕之洪筭莫不光凝哀繡歡洽

笙簫一堂環擁於嬌紅四座山頽於醉玉某等
叨居樂部幸預伶倫不揆荒蕪敢呈口號

賸喜羣仙集四明年踰七袞慶耆英三章决
遂歸田志八座爭看衣錦榮笑捧一卮龜鶴
壽歡騰六樂鳳鸞鳴舉頭莫道長安遠會見
臨靡拜老更

餞明守林郎中致語

紹興二年十月除知福州

伏以東鄒號令三輔制閩方隆南閩總昔十連
帥藩尤重矧屬維桑之地何殊衣錦之游小駐

行麾薄陳祖席恭惟判府某官疏通智畧灑落
文章聞一善言如以石而投水見不平事若有
物之礙喉直氣英聲表望於播紳崇論宏義結
知於旒宸澄清攬轡聳風采於百城憶悌字民
暢陽和於六邑陟書報最延閣陞華雖植蠹建
旂寵數愈光於他鎮而攀轅卧轍去思彌切於
吾鄉停奉芝封趣歸絳闕致政太師受廬託范
頌益逢知方戀以依仁遽忽忽而言別難留
行色西風飽十幅之帆少叙離情陽關釀一杯

之酒某等叨居樂部幸逢芳筵不揆才荒敢呈

口號

聖主留神惠兆民循良奉詔莫辭頻纔聞五
袴喧三輔又擁雙旗鎮七閩摻袂不須成作
惡舉觴方喜上通津日邊正擬登黃霸會見
槐庭袞繡新

待明州權府提刑虞察院致語

二月初二日到任
二十九日回司

二
年
十
二

伏以攬轡外臺方播澄清之譽把麾輔郡更揚

愷悌之風且有歡謔用資雅興恭惟權府某官
風姿玉立文彩金聲直節橫秋挺凜凜虹蜺之
氣忠誠貫日稱我獬豸之冠爰擁星輅就憑
熊軾下車未久俄騰襦袴之歌暖席不容行趣
然綸之召致政太師受厘託芘頌蓋蒙知喜茲
王佐之材暫頌民師之寄杯盤草草雖無多品
之供笑語雍和誠有通宵之樂某等伶倫末技
樂府賤工不揆才荒敢呈口號

小春纔過氣紆徐門外旌麾正塞途賸喜二

天臨制閭郤東三徑訪耆儒酒浮沆瀣杯中
液茗淪槍旗椀面腴且趣良宵拚一醉賜環
行即上亨衢

宴明守高大卿致語

慶曆二年
紹興二年
十二月到任

伏以紅旆碧幢分閭偏儀於南楚朱襦皂蓋部
符復鎮於東鄆既密拱於皇都將運濟於政地
宜伸燕喜用洽歡謔恭惟判府某官才換國華
望隆人傑希蹤尚父避紂而歸文王比跡茂洪
渡江而得管仲不因介紹自結簡知輒從卿寺

之聯旋頌民師之任游陞方伯益壯聖朝矧我
四明實令三輔治先教化陽和開六邑之春臺
威讐姦克風采靜七州之瀚海行趨鳳詔即蓬
龍墀致政太師相公欣秩初筵敬邀五馬非絲
非竹繁音憲屏於倡優以樂以衍式燕何妨於
文字某等幸逢清集不揆微材嘉與樂工同呈
口號

東風取次到林塘千騎初臨綠野堂簾外何
煩絲管韻坐間自有雪梅芳民安竟夜戶猶

闢海靜無波帆穩張趨此清平同一醉金甌已
覆穎川黃

上梁文

四明新第上梁文

戊戌十二月二十五日

伏以四明一湖適瀕郭內十洲三島俱峙水中
風月雙清烟霞互映波光搖而珠璧碎岸影移
而錦綉張且有高人得茲勝地真隱居士早從
龍躍兩到鳳池不矜赫々之功名每盡拳々之
忠赤更懷知足能避寵榮望神武以挂冠未容

告老即長安而賜第猥荷眷留瞻彼松楸恭惟
桑梓葺楊子雲一區之宅脩丁令威千年之歸
爰舉修梁式陳善頌

兜郎偉拋梁東鄖峯倒影碧江中好是瓣香
同祝慶無邊宰堵梵王宮

兜郎偉拋梁西賜居千柱與雲齊香風苒苒
吹紅雨邵喜仙鄉路不迷

兜郎偉拋梁南甬水迤迤色似藍雄跨兩橋
烟柳暗粉垣深處府潭

兜郎偉拋梁北紛郁堯雲輝五色丹表一點
爛如星夜：朝：拱璇極

兜郎偉拋梁上不必曉猿驚蕙帳小人令已
買扁舟兩處何妨任來往

兜郎偉拋梁下自喜平生無問合暮途得屋
可容安一在皇都一鄉社

伏願上梁之後天清地靜國泰民康嘉興罷癘
同躋仁壽及身強健因得為千巖萬壑之游適
意往來豈復憚七堰三江之遠

明良慶會閣上梁文

伏以天地泰通際明昌之運君臣道合載賡
起喜之歌儲兩宮藻翰文章建千尺龍樓鳳閣
爰諏勝日用舉修梁恭惟觀使少師相公早以
忠誠疊膺聖眷清途發軔依上皇日月之明潛
邸扶輪契聖主風雲之會游后揆路三入經惟
富藏奎壁之光華久賴鬼神之守護乃新層棟
將奉寶函莫不杞梓呈材般輸獻力觚稜金碧
既上聳於星辰椽桷丹青更交輝於海嶽且伸

善頌以助羣工

兒郎偉拋梁東對峙森羅紫極宮好是璇霄
澄霽色交敷瑞靄繚晴空

兒郎偉拋梁西花倚莓牆柳映堤下瞰銀濤
千頃濶仰瞻畫棟五雲齊

兒郎偉拋梁南朱楹碧瓦正潭：只有圖書
供玩好更無珠翠省沈酣

兒郎偉拋梁北夜夜朝：拱宸極苔堯華闕
擁祥烟芬郁穰薰酬帝力

兒郎偉拋梁上舉首蒼旻為斗帳雕欄句匣
走驪龍飛旆飄飄環藻仗
兒郎偉拋梁下移得天宮來里社龍珍海藏
富在巖嶽鎮山靈有憑藉

伏願上梁之後清寧真位遐邇嚮風彼民此民
同享三登之樂北內南北俱膺萬壽之祺一家
綿宗孝之風百世襲榮華之慶晨昏黃奉幽顯
護持確乎金櫃之堅牢稱此木木天之確壯

竹院上梁文

伏以蕭森門徑占數畝之竹陰灑落肯襟愛兩
椽之茅屋爰諏穀且用舉虹梁曩公長老斷岸
幽芳空林老榦頃將三昧手久住四明小棟宇
一新聲名大震桐參歷井而言旋蜀道汎梗飄
萍而復至浙東野鶴孤雲誰能羈紲好風良月
到處逍遙選甚胡來漢來只圖休去歇去適逢
大士歸葦小園剝啄扣門道舊共談於妙理春
容掛錫揆懷更出於新篇不居曹相之正堂聊
住謝公之別墅爰開竹院暫憇雲蹤且有長謠

用揚佳致

兒郎偉拋梁東赫，宸奎出兩宮傑閣邃嚴

藏藁笈四圍呵護集天龍

兒郎偉拋梁西萬頃銀濤漲碧堤桃花流出

真消息黃葉何須更上蹄

兒郎偉拋梁南朱樞碧瓦府潭，中有毗耶

老居士環列兒孫夜小參

兒郎偉拋梁北儼恪靈祠長廟食恰如李愿

在盤中呵禁不祥藉神力

兒郎偉拋梁上星宿森羅垂斗帳蒲團入定

夜光寒一炷爐薰周萬象

兒郎偉拋梁下山河大地皆虛假但將回境

作西方不結白蓮清淨社

伏願上梁之後乾坤清泰民物阜安庖傳不空

罷香積醍醐之供園林足樂稔平泉鐘鼓之音

更將西竺之一乘上祝南山之萬壽

撒帳文

綺羅叢裡寶蠟千枝蕭鼓聲中金釵幾隊深居

神女深居紫府仙郎穩下青霄彼人此人好是
相看冰雪今夕何夕將期結約松筠未移緩步
之金蓮先啟漫空之斗帳敢持珍果作濺雨之
明珠少荐蕪詞間過雲之雅唱

撒帳東光生滿屋綉芙蓉仙姿未許分明見
知在巫山第幾峰

撒帳西香風匝地瑞雲依天桃夾岸飛紅雨
始信秦源路不迷

撒帳南珠宮直在府潭上千花綽約籠西子

今夕青鸞始許驂

撒帳北傅粉初來人不識紅圍綠遠護芳塵

笑揭香巾拜瑤席

撒帳中鴛鴦枕穩睡方濃麝煤不斷薰金鴨

休問日高花影重

伏願撒帳之後鸞鳳偕老琴琴和鳴恩光浮闈
苑之春美態歷瑤池之侶畫眉粧閣攜手雲衢
歲々年々同上翁婆之壽孫々子子永彰門閥
之榮

划船致語

伏以神聖當陽朝廷有道嵩呼鼉拊共欣睿算
之亨崇樵唱漁歌更喜時風之快樂宜修競渡
用洽歡謠恭惟紫府真仙金章貴客口吸西江
水胸吞雲夢陂為賞重湖來乘綵舫風亭月榭
莫辭草、杯盤鳳笛龍旗共看翩、舟楫波光
翻日彩岸影動龍文羣玉山頽英詞鶯轉豈獨
發揮清泚且不辜負昇平但某等天際鳴榔煙
中釣月已喜膾珍得醉更來鼓棹騰歌不揆荒

蕪敢呈詩句

鄖城中有水晶宮佳景偏供漁舍翁酒船撐
開萬山綠醉帽揮破千山紅魚龍浪捲空中
雪羅綺香生水面風俗樂時豐君賜予人人
舉手祝蒼穹

又

伏以鄖有西湖古稱洞府蔽空花卉回時之錦
綉鮮明極目烟波萬頃之琉璃瑩滑好翻桂槳
快引龍舟喧、畫鼓驚雷隱、朱旗拂電錦標

奪去價珍萬兩黃金玉醕頌來光印一輪明月
用開宴集以樂昇平恭惟東道主盟南州重客
坐環冰玉面揖湖山俱為珠藁之神僊來作烟
霞之伴侶痛拚劇飲爛賞良辰俱某等素習權
歌老居漁舍觀風光之明媚樂樽俎之雍容不
揆荒蕪敢呈口號

十里平湖一鑑開羣山聳髻入粧臺最宜縹
緲蒼烟際遙見翩翩畫槳來簾捲玉鈎春映
水標爭綉段鼓鳴雷莫辭醉席梅花地振答

風光是酒杯

鄖峯真隱漫錄卷第三十九終

鄮峯真隱漫錄卷第四十

銘 頌偈雜
著附

李長源求墨銘

烟滅灰飛知白守黑旂常竹帛得是而勒蓋其
英采亘乎百粵之南而馳乎窮髮之北嗚呼是
為吾友松溪侯之德

真隱園銘 有序

子生賦魚鳥之性雖服先訓出從官遊而江
湖山藪之恩未嘗少間故隨所寓處號曰真

隱太上皇帝知之賜以宸翰百拜跪受即有
志闢芳園揭扁榜以對揚休命萍梗南北未
遑也已而際會龍飛兩丞相之丐閑得請今
上皇帝燕饌內殿親灑宸章光其歸路賜西
湖一曲以成其志斥白金萬兩以竟其役而
皇太子又大書四明洞天并以珠玉妙作為
贐於是始得累石為山引泉為池取皮陸四
明山九詠彷彿其亭榭動植之形容而園遂
落成又即園之左建大閣以藏兩宮墨寶琅

函層上金碧交相翊以龍神見者知敬即既
塵囂闌閭中立此清淨境界固當體聖主好
生之心守家世止殺之戒期傳永、無有染
浣所以嚴宸奎之奉而寔洞天之名也或者
難曰園林窮勝事鐘鼓樂清時未聞以止殺
為戒也予曰我欲有鐘鼓園林之樂而使鱗
介羽毛常被銜刃鼎鑊之苦此豈仁人之用
心也哉或又曰脯醢已具無割烹以動吾不
忍之心亦何為而不可予曰作法於貪弊將

若何杜漸防微必并是絕之采芝擷果陳藥
苗列山蔬顧不足侑一醉耶覩我後人善保
此意而勿失有不然者明神監之俾竟其身
無有樂事

銘曰

真隱名園地偏境勝既曰洞天貴在清淨藹
遊人仰睇奎文必恭敬止實為尊君倦真是明
毋揉腥穢子孫儻賢呵禁敢廢咨爾攢峯列嶽
之靈守護億載勿寒斯盟

退居座右二銘

尊生銘

洗眼揩牙摩腰熨腹常須忘口閒或濯足載寢
載輿無思無欲百疾不生是汝之福

解曰身為親之支知者重如寶但使吾身安
國家斯可保何言身本無夢幻匪堅好若還
無此身從何而得道

益已銘

人生有過苦不自知怨汝詈汝當省其私言之

而是愛之重之求全責備是汝之師
解曰怒火起毫末縱之能燎原唯持忍一字
久之德彌尊昧者失此理欲動開諍門應時
不撲滅萬古成冤魂
不欺堂銘有序
曾甥種學方進而未止榜其室曰不欺足以
知其中之所存乞銘因作數語廣其志淳熙
戊申元夕書於四明里舍之清涼境界
惟人有己妙在中局一念不欺表裏相應天地

真位日月炳明鬼神叶吉寒暑有經以此許國
忠無不形以此盡孝親無不寧蔽以一言命之
曰誠苟或背此是為頑冥未如之何終身不靈
咨爾後學其警吾銘

尊勝庵鐘銘有序

真隱居士作屋數十楹在鄖城之東乃以錢
銀山權易護聖院之荒地將建寶閣專一崇
奉太上皇帝御書已蒙儲皇賜名尊勝庵親
筆扁榜光耀林泉住持清文又能市銅於宮

作鐘於以警昏且為之銘曰
見氏製器其名曰鐘諧和眾樂清廟辟靡降及
後世徧滿梵宮危樓百尺萬鈞在銘一治而就
厥聲孔洪假爾眾手破天下聲人生冥昏曉
無窮忽然震發有耳皆聰度垣驚遠擊散群眾
反乎無作復歸於空清淨之體實與道同盡未
來際悉悟圓通

難說

孟子

何能不同道

聖人之道體常盡變故禹稷顏回易地皆然其
道同也孟子言此深闢乎楊墨楊墨亦附聖人
者也然所以卒至於無父無君以其執一不能
變也一者何也兩端之謂也楊子執其一端曰
吾守聖人之義墨氏執其一端曰吾守聖人之
仁槩之聖人迹相似矣彼獨居陋巷有似乎不
肯拔一毫三過門而不入有似乎摩頂放踵然
而禹稷顏子於道固能變楊墨執一固不能變

孟子所以深闢之也

世之可欲者皆善不可欲者皆不善自然之理也今夫盜賊是甘心於為不善也是已陷溺其良心而不可救也然而有人焉指之曰盜賊則必怫然而怒目之以仁義則必翻然而喜是其可欲之心本在也人能克本在之心反身而誠則知其不自外鑠而信其有諸已矣擴而克之何所不臣

荀子
性惡

荀卿性惡之論謂不待習而能者性也待習而能後者偽也故以桀紂為是而堯舜為非夫性者善惡俱泯之謂也以桀紂為性是猶指田之禾黍待殖而生稂莠不待殖而生遂以田為專毓稂莠過矣胡不自二者生未時觀之今人乍見孺子將入於井非納交要譽之心怵惕側隱油然而生一念之善夫豈待習而能乎雖然人

雖無不善若謂善即是性則是指未黍以為田
其失與鄉等也

文仲子
存我

人臣事君當國爾忘家君爾忘身而仲淹贊周
公乃曰外不屑天下之謗而私其迹曰必使我
子孫相承而宗祀不絕內實達天下之道而公
其心曰必使我君臣相安而禍亂不作溪乎溪
乎固家所以寧社稷存我所以厚蒼生嗚呼仲

淹真知周公哉今夫人臣至於身殉國必其身
不勝其國而至於忘也若夫周公知天下之道
傳於我天下之治繫於我期有以厚蒼生也孟
子曰萬物皆備於我則我者真萬物之本也聖
人能存一我則天高地厚萬物散殊舉由我一
身而治可不重乎

春秋

文中子曰春秋一國之書也元經天下之書也
夫聖人雖約魯史而修春秋其實一非國之書

也所以懼作春秋豈非為天子之事乎百王之
道萬世之法粹然大脩十二公二百四十二年
之間增之則為贅積之則為闕知我者其惟春
秋乎聖人之門游夏在文學之科而於春秋不
能贊一辭非不能也彼親觀其道之大法之脩
不敢贅一辭以蝕聖人之經也仲淹出數百歲
後乃以元經續之則其以春秋為一國之書也
宜矣

韓子

受福

韓子言儒墨同道乃以夫子祭則受福為類乎
墨氏之明鬼且夫夫子之道貫通幽明方且與
鬼神合其吉凶故其祭也不徼福而福自至使
其得邦家則神祇安樂之無他得其道故也而
韓子乃以比墨氏之明鬼異哉或者謂此文非
韓子作誠有是理蓋儒墨之判久矣韓子既有
意乎尊道乃退佛老而進墨翟非其類也讀者
宜精思之

頌

聞家中被盜作三頌勉之

年饑穀踴困群耕盜都從此輩生料得欲偷
既得從今改惡不甯行
幾年得補破得透寒今日空餘赤肉團從此便
知元不有莫書詞理枉經官
孟光衣服合山居烟榻明青休暑渠欲得此曹
心不動只將荆布作冠裾

羽客熊葉二師言歸鐵柱以五十六言餞

喜見洪都二散人直疑吳許是前身看梅始識
林和靖載酒還尋賀季真鐵柱擎天龍已蟄星
壇近斗月為鄰思歸却有他來約束慶吾登九
十春

偈

次韻賁長老

露地當年說白牛反今後學莫能由足行香陌
無窮轍家在清江欲盡頭星礙頓除猶是病因
緣未了且長流山此日夕浮佳氣見則何煩蠟

履游

通過寶壽奎居仁師出示五判院得真隱

老子走筆次韵

見了黃梅留一宿此風久矣無人續相逢誰許
問宣暄箇中且自龜藏六壽師嚴冷面如錢背負
乘腰不折有時禪定出塵表兀坐蒲團頭滿雪
平生俗物不掛目終日翻經聊自足不離當處
常湛然波澄倒影千山緣迤來邂逅文中席一
幅冰藤為下語我今欲贊沒因只把茶甌對趙

州

雜著

書地宮

天錫史氏演慶鄞川子孫百世忠孝兩全門闢
烜奕簪組蟬聯與國同林亘千萬年

養生戒

畫

人生疾痛皆從口得生冷果蔬非徒無益羹汁
酒漿醎酸醢醢不可多吃蟹蛤魚蝦何如肉食

申後下咽化為痰積戒之戒之康寧無極

夜

老氏有言少思寡慾思之為害心氣馳逐氣之
形枯神魂耗促慾之為害精去不復浸淫不已
速其傾覆所以古人虚心實腹戒之戒之為汝
之福

鄭峯真隱漫錄卷第四十終

鄭峯真隱漫錄卷第四十一

騷辭

葬五世祖衣冠招魂辭

維蒼姬之建僚兮目載筆曰太史冊祝冊誥先
明於汗青兮袞榮撻辱蓋權輿乎此或揭揚崔
杼之逆節兮或形容魯僖之壽祉或考絳老之
修齡兮或號遺直而如天列國各有柱下之官
兮職在非：而是：其中必有一人兮褒貶昭
符于天理天乃錫予時君兮俾因官而命之氏

既因典籍而得姓兮後當以文而暢厥緒逮羸
顛而劉奮兮有樂陵安侯之二子武陽尤其拔
萃兮伏青蒲而定國嗣羽翼叱咤而成兮亶追
蹤於園綺嗟東都之叔暮兮黨錮之獄忽起跨
郡國之恭布兮網羅密而不弛莊哉平原之相
兮力拒大索之使指謂吾境內之獨無兮迄泣
暹於殊死活千人者必封兮今所活不知其幾
懿二賢之相望兮培根莢於元始本益固而不
拔兮幹亭之而葉蕤也歷三國六朝之寂寥兮

慶復鍾於仙李掄一相於女主之朝兮勲烈或
遺而弗紀更五季之澌澌兮人物無惑乎頽圯
惟字旻之有意兮醞釀停蓄而未止迨天開於
大宋兮英淑之氣尚燁乎千祀自杜陵而侯漂
陽兮捨漂陽而遷徙既宦游於東南兮遂卜蔭
鄧之桑梓方躬耕於農畝兮故編晦而弗仕憫
孤弱而賑窮苦兮唯勤口乎積累暨吾五世之
祖兮始著令名于州里鄙刀筆如蕭曹兮踵于
公之業履斯以法而從恕兮每哀矜而弗喜遺

高祖以清白兮立里門而高時濟清源于兩世
兮蓋接乎前修之派委茲濫觴於涓流兮遂泓
澄而演迤故我曾祖之擢秀兮篤孝恭於晉稚
甫弱冠而府辟兮勵廉勤而從事郡有西湖之
勝絕兮十洲三島錯乎城之趾卧雙蛙於澄碧
兮危亭翼然于中吐紛競渡於波間兮游艦舳
艫相銜尾挽姻友以出邀兮彼其能承親之志
祖獨揮金而治其兮列瓊羞而行桂醕慈願悅
悻而夷猶兮分不惜蘭棹之頻艤大吏恚其不告

兮竟蕭條於任使氣拂鬱而短折兮哀痛淪於
骨髓曾妣惇之於筭歲兮辜遺腹之孕瑞父母
欲奪而嫁兮情寔憫其貧寔誓弗許而守義兮
撫孤嬰而獨處欲吾飽池姓之粟兮寧為史氏
之餒鬼乃反尤其怙恃兮謂之曰不諫人只意
天欲衍吾宗之修系兮乃恃昇夫烈女祚節義
之超卓兮寔神祇之所與享耄期而康寧兮簪
裾難還而歡聚曠點漆而顏渥丹兮揚龐眉而
啟兇齒比笑設以考終兮五福人推其全備祖

考憑藉其餘休兮起攀孔顏之逸軌檻雪囊螢
而精勤兮蓋之膏油之繼晷雍容間雅而甚都
兮孝悌忠信莫之比叢八行於一躬兮播仁聲
於遐邇屬在位之推轂兮升鶚書於當宁卒辭
聘而弗至兮若陽城之居晉鄙祖妣竭力以事
姑兮甘脆之賞每斥於簪珥鬪蘋蘩而勤縫紉
兮蓋旁無助於梯如收遺孤而字育兮男有五
而女歸于賢士通六經而口授兮五男訖臻於
肖似聞詩禮於過庭兮又奚慙乎孔鯉皇考七

歲而能詩兮應聲揮毫而落紙出健句以驚人
兮坐客不敢以孩視踰志學而造橋門兮文甚
之而貌甚偉世食期以起誦兮謂王公可以翹
俟當宣和之全盛兮風俗窮奢而極侈立州橋
而睇宮堯兮不覺款戲而流涕乃拂袖而出闕
兮歸即謀於避地衆方駭其無倫兮曰盛極亂
危之必至及胡馬之南牧兮中原群盜如蜂蟻
人始服其先見兮竟以憂國而齎志勿傷乎秀
而不實兮將蓄地力而獲秬秠妣氏盛年而廢

居兮泣血幾昧於獲皆靡兮珍以饋尊章兮躬
和柔而化妯娌叔季析產而遜田兮吾不瘠衆
而腴已卓行見稱於宗黨兮欣怒不形於臧婢
享上壽而封大國兮富貴哀榮之莫擬中父決
科而結綬兮藹聲華之燁燁時皆矜矜式其退
兮帝忽獎拔而騰倚陟西樞而運籌兮國威
振而寇弭膏施設而未究兮大其復而可擬季
父服義方之訓兮幼已見其材諳幹蠶初裕於
一家兮摘文兩登於鄉舉人爭睹其犇逸兮倏

如有物以相梳櫛上二叔之肩隨兮行藝均表
於庠序儻天假三人以年兮夫豈布韋而但已
匱良金而醞美玉兮坏璞盤盂與符璽碩瑣質
之叨塵兮躡彤墀而面丹宸一言偶寤於宸衷
兮迅涉龍潛之淵俟執遺編而侍席兮蒙真人
之傾耳扶日轂而升黃道兮感風雲於尺咫廁
紫微而運玉堂兮兩承乏于端揆雨露涵濡濡
於姻族兮燦盈門之青紫謂余有瑰傑之文兮
文實慙於訖敵謂余有卓異之行兮行實媿于

妾靡然則曷為而致茲兮豈非貽厥為之基址
荷睿主之錫類兮寵吾先而降肯建家廟於私
第兮獲嗣五世之考妣乃敷陳其愷幣兮乃饋
荐其芳芷恭惟五世祖考接遐系而起身兮妣
淑柔而儷美高祖考貞修能而世濟兮妣繼踵
同功而比義向非種德之深厚兮何以衍裕昌
熾之如許乃無蓬顆以託葬兮誠為後裔之深
恥爰即耆老而咨詢兮謂吾家振跡於耒耜凡
厥親之云亡兮用淳禋之法而燔燬奉靈輅於

於佛刹兮擁香花而定諸水痛馬鬣之未封兮
敬具衣冠招魂以葬爾乃招曰魂兮歸來烟嵐
縹緲氣鬱葱兮幢幡葳蕤旆瓏璵兮蚪螭蜿蜒
以載路鸞鶴旣變而翔空兮仙祇道從于先後
擁雲輶而離梵宮兮靈洋而至此咸憑依於
像容兮慨幾年之漂泊茲有宅於湖之東兮合
夫婦以同穴樂淺以融兮遵先王之禮法
復中土之儒風兮歸來兮受福無窮兮魂兮歸
來東方不可以託宿兮黃潦漲宇滄溟銀浪駭

而成屋些洶湧澎湃不可以得足些妖豚惡鱗
利牙爪吞巨鯢而入其腹些歸來兮恐遂罹其
毒些魂兮歸來南方不可以謀安些封狐雄虺
瘴烟蠱毒之相奸些淫巫非族贈人之肝些作
禍得食牲酒瘠酸些歸來兮彼多賊姦些魂兮
歸來西方不可以求處些流沙不毛荒瘠斥鹵
鹵些黑水幽香鬚眉莫睹些弱水渙散一芥不
負些金風淒急敗葉屯聚些歸來兮去孰與侶
些魂兮歸來北方不可以卜居些朔吹震地層

冰塞澗些陰雪皚：逐馬隨車些跣則墮趾袒
則裂膚些鷲禽獐獸凍餒天殂些歸來兮往彼
圖些魂兮歸來莫越天上些剛風追遠迷雲翳
障些莖孛攬槍妖魔跌宕些忽九閩之洞啟神
戈揮霍而震蕩些歸來兮茲不可嚮些魂兮歸
來請勿思返於下方些沉泉凝泣白骨如霜些
積薪居上覆壓成岡些歲久不腐徒隱痛而盡
傷些追惟曩日寂寞脩些嘗歸來兮不可復嘗
些魂兮歸來入佳城些氤氳紛郁和氣蒸些清

颯習習度綺樞些
練雲容與紫簷楹些
萬象森羅垂清冥璧月
注射穿簾旌些
衾棺榔必信必誠些
石麟羊虎班幽庭些
金雞玉犬斫夜鳴些
魂兮歸來合禮經些
天地四方多艱虞些
唯此宅兆當奧區些
攢峯沓障翠羽敷些
澄陂練靜湘簟鋪些
木潤山輝韞璫璵些
回波湄川崖不枯些
潺湲夾壇神明扶些
鬱然溪秀發此膏腴些
造化融結從古初些
魂兮歸來真靈輿些
榭楠豫章蔽高原些
檜栢質魯掃塵垢些
風過

聲清琴瑟奏些
月明影動龍蛇走些
桃杏拒霜摘組綉些
層荀梅英刻瓊玖些
來禽海棠煖春晝些
丹桂飄香滿岩竇些
衆芳姿媚松楸茂些
魂兮歸來據岡阜些
東風芳草生池塘些
秋月蒹花凝雪霜些
蕙蘭不馥菊蕊芳些
芙蓉出水勻靚粧些
酴醾金沙蜀錦張些
芍藥千畝環花王些
唼喋鬚葉鷺燕忙些
採掇粉膩蜂蝶狂些
連阡累陌春不藏些
魂兮歸來宅幽堂些
鶴歸華表語千齡些
鳩呼屋角雨新晴些
啼月杜宇

喉舌清些舞風振鷺飄雲冀些西疇鷓鴣催春
耕些支尼朝噪虛憲明些墳苑迭和鴻雁征些
靈鳳登岡蕭韶散些萬籟鼓動俱和鳴些魂兮
歸兮樂泉局些牛羊被野風塵絕些豺狼遠遁
妖狐噉些猿狖攀躋韻清越些空林豹吼聲激
烈些騏驥追風汗成血些白鹿銜花耀春雪些
朱雀元武山嶂些青龍白虎勢截薛些爭隨
四獸森其在列些魂兮歸來寧吉穴些長鯨吸
川興適豪些頽鯉化龍崩浪高些荷翻珠露白

龜巢些荇線牽風錦鱗跳些鱖鱣同隊挾長蛟
些蓬島巖巖駕巨鼈些蚌螺煙蛤類啣嘈些時
出光怪浮波濤些珠官貝闕繚周遭些魂兮歸
來鎮神鼻些麥鬣碧穗禾青秧些彌望沃若載
柔桑些秋刈黃雲杭秫香些春盆雪蘭縑絲長
些萬家比戶屠豕傍些豐濃口腹饒衣裳些咸
知榮辱人善良些衆心成城勝堵墻些世守
衛呵不祥些魂兮歸來安厥藏些芙蓉為裳薜
荔衣些紉荃佩蕙光陸離些鷓鴣金縷羅帶垂

此孔雀鸚鵡周屏帷些鮫綃蟬翼夏暑宜些鳶
鷲狨毳冬熙熙些步幃冊里香風隨些魂兮歸
來錦繡圍些谿山擊鼓助雷驚些春釀醇釀麴
米成些石罅蟹眼松風鳴些沆瀣醅浮竹葉清
些睡魔紛紛槍旗征些酒兵貫勇隳愁城些三
杯滌慮消春冰些七椀未吸兩腋風生些祿賢
樂聖通仙靈些魂兮歸來惟醉醒些蓮房空實
水所凝些棗栗榛榛日以曠些陳李孫瓜剖銀
辦些盧橘溫柑累金彈些楊梅全白玉璀璨些

些頰柿萬林紅葉滿些櫻桃纍珠可貫些荔
子初丹風飄走獻些加蓮之寔多益辦些魂兮
歸來歆德產些紫芥綠菘擷芳圃些芹韭菁菹
配醢醢些葷瑩冰絲鱸玉縷些間以章舉馬甲
柱些鮫魁蟹螯海錯聚些包羔擊鮮悉堪下筋
些百珍餽飭升豆俎些駢集馨香侑櫻黍些禴
祠烝嘗惟所取些魂兮歸來其勿吐些惟人魂
氣必上升些體魄歸地或相繼纏縈些久依梵
唄圓禪局些貴賤雜糅薰蕕并些子孫怨貪

利名些誰曾著意哀幽冥些一朝擺脫來仙塋
些竟舜文武路砥平些逃墨歸儒道愈明些魂
兮歸來合禮經些亂日層臺業定兮一簣先大
浸渺渺兮繚滌源人本乎祖兮胡可後英靈佑
然如在左右一念感通兮來真居九原可作兮
嗚呼在茲雲馭逍遙兮翠旌舞時節遊征兮朝
帝所友日月兮朋列星昭回潛德兮交相發明
佑我後人兮繇百億魂乎歸來慶無極

鄭峯真隱漫錄卷四十一終

鄭峯真隱漫錄卷四十二

祝文

祈雨文

旱既太甚苗則槁矣惟曰怨咨末由也已我祖
東山坐看雲起龍乘是氣震驚百里三日以往
霖霖霖既優勃然興之乃亦有秋農夫之慶迄
可小休神之聽之無作羞神

赴餘姚尉辭先墓祝文

仰惟祖宗修身謹行內無諂曲真古之遺直也

孝義藹聞不克顯用真古之遺逸也天寔祐之
俾裕厥後不嬰殘月弱本夫祖宗有全生救難
之心得保其遺體也不逢夭折本夫祖宗有愛
人利物之心得藉其遺休也不遭窮窶本夫祖
宗有周急普濟之心得承其遺德也不墜衣冠
本夫祖宗有樂善好賢之心得奉其遺訓也嗚
嗚祖宗奕世積累不越乎方寸之內而使子孫
憑藉如許退顧微躬無一毫之善其何以得此
是以夙興夜寐未嘗不感念祖宗之遺蔭也茲

始效官得尉劇邑以視姚虞之遺黎也衣時已
及消日啟行期無悔尤未底寧謚不無賴於祖
宗之遺烈也尚冀鑒臨錫以如欲誓當謹飭以
庶易貪以孝移忠庶紹祖宗之遺風也

祭冥神祝文

比者憲臺有命埏埴是營鳩工彌月巧歷必呈
惟是大齊造化杳冥端圓縹碧乃氣之精茲匪
人力實繫神明是用奔走來輸其誠有酒既旨
有肴既馨惟神克享天侈厥靈山川輯秀日月

降俾無苦窳以迄有成

倉王祠成設祭祝文

上古結繩未造典籍天開聖人遠取鳥跡肇興
斯文作萬世式翥鳳鸞翔奔泉拱石充棟汗牛
層見疊出推原本始寔繫神力切烈焜煌覆被
今昔矧此司宗圖書是職貌像非崇祠宇弗飾
官吏過之孰不愧惕乃鳩厥工有事茲役迄月
而成煥發金碧揭虔安靈侑以馨苾神其鑒歆
益祈丕德佑我天子閱歲萬億流慶榮昌垂光

光赫奕玉牒所書斯無紀極恃神之休永安廟
食

考冥忌設祭祝文

少遭閔凶遽失所天先考即世實在感年雖有
誕自莫展慶筵今已五紀木拱層巔敢陳宴俎
追紀生前尊魂有知尚鑒精虔

妣喪大祥設祭祝文

某等罪逆不孝禍不自滅上延先妣日月迅速
遽及大祥曾事死之未周乃禫除之斯屆哀心

不盡禮制有終追慕既深攀號莫及敢資芳蕊
少薦悃誠伏惟英魂俯垂歆鑒

重陽祭神祝文

惟神正直聰明世享時祀茲因重陽致此薄奠
神庶歆之恪勤厥職俾我闕閱永底安樂

奉安西塘鄭先生神像祝文

某自幼學與闕士大夫游熟知諸先生姓氏恨
居不同里生不同時無以究考德閎業之誠垂
老此來始獲瞻謁列像而寸心慕用猶恐或有

逸遺訪之鄉彥乃聞鄭公之餘風當時抗論不
屈雖流離嶺海陸沉下僚其氣與文雄豪勁正
卒不少讓世罕有知之者是用寄之丹青嚴以
香火若節春秋俎豆諸先生之列非唯補先祀
之闕抑使邦之學者咸知有公起敬起慕於風
化為有助焉祇歎之始薄酌揭虔伏惟凜然若
存實鑒臨之

奉安鄭先生神像告先賢文

伊惟群賢圭璧琳瑯世之相後萃此一堂坐無

高公屬我西塘爰求貌像得自家藏祇安于序
均奉享嘗英姿儼列玉立文光諒我群賢死而
不亡雲龍風虎相得益章高標所激與起一方
藏事伊始敬酌此觴

夏至家祭告門丞戶尉文

寸閔鍵訶不祥神之職也某以節屆夏至將歲
事于家廟顧飴馭之來格仰瞻闕闕何莫由斯
敢先以告異神鑒歆俾我祖宗來燕來寧毋有
所畏而弗至則神之惠也庶幾祖宗克綏厥福

以裕我老稚俾奠厥居以永雍之術之風惟
神亦享無窮之樂

妻冥忌設祭祝文

某少也數竒家道貧窶攻苦食淡有人所不堪
者夫人脩嘗之而不憾惟一意以奉吾慈親故
於夫人誕日未嘗得一杯為慶意謂異時偕
老為之未晚也迨予暮年遭遇盛世致身榮顯
而夫人竟不及見每一念之痛心如割今者復
值夫人冥忌之辰某適奉祠還里冒涉修途又

不敢以是廢禮謹與兒女等就州孝順鎮太平
寺營辦菲食以寓追思之誠惟靈其鑒歎之

立西塘鄭先生祠預告諸先生文

某職在宣化冒使俗移道以刑政德禮或虧合
求前修風勵一時庶貪起懦廢其在茲淮西塘
公卓行可師微官落拓世所罕知仰止高山莫
立先祠用消良日敬奉表儀列之像繪以時享
之邦人交贊先生無遺有核在俎有酒在卮敢
以預告尚鑒我私

福州諸廟謝晴祝文

吏治無術無以惠民曰雨曰霽輒號于神陰雲
回收淫雨旋止惟神之功吏則知愧嘉穀滿野
神賜綦豐清醴匪報惟以告衷

新造器皿祭神祝文

器皿乃長物之累杯觴為狂藥之媒雖已知非
未能免俗敢同蘋蘩蕙藻先荐鬼神王公庶幾
受用而安固匪徼福而作伏惟如在俯賜來歆

謂曹娥廟祝文

某自罷相東歸幾十五年每過祠下非擁旌虜
即趨台節聖恩深厚皆神力有以攸助之是用
躬致款謁巨謝神休惟神敷佑益畀五澤使異
時功烈之成掛冠歸老全璧無瑕則始終大賜
其敢弭忘

重陽祭宅神祝文

惟神正直聰明世享時祀今茲秋振上巳云春
祈式屆
疇敢不虔庶幾款之恪勤厥職俾我闕閱永底
安榮

男彌遠受官告祖先文

某奮自寒素遭世咸明日者聯班孤傳賜第寓
京子弟亦受國恩寵通藉金閨此一門之榮已
極通顯矣今夫天子有事合官恩及臣下三男
彌遠復被榮秩某竊惟一介之士自束髮讀書
幸而掇取儒科官不過末品其得預京秩者是
惟集英第一之選三年而僅有耳今彌遠年未
幾冠起家而安有之此非祖宗厚德畀遺後人
何以及此雖然某之所期望於彌遠者當恩所

以稱其恩光不願其志效一官而自足也維自
今方從師親傳日長月益庶幾其遠者大者惟
祖宗之靈陰隲默佑之俾之自幼學至於壯行
由小成進於大成卓然有立無忝我祖此則某
暮年之幸亦吾祖宗所賴於子孫世其家嚴者
也祇命之始予以揭虔敢告

妻弟貝叔懷以外弟受官告妻文

某起自單微致身通顯慨念糟糠之隅艱苦同
遭逮今可以安佚而夫人既往雖大國屢封而

報之之心猶未既也追念昔年夫人卧病而夫
人弟待舉寔躬湯劑之奉夙夜不懈屬纊之時
命我曰君苟富貴無忘吾弟音容雖遠歲月雖
深言猶在且不敢忘去今歲季秋天子藏事于
明堂凡在縉紳以顯秩得荐其子孫中表是用
以異姓之恩授之特舉茲因拜命敢告

冬至謁先聖祝文

先聖道德之言垂于六籍仁義之教覃及萬代
生民獲履禮樂之鄉仁義之域繫吾先聖是賴

臣起身草布致位將相豈不知所自耶是用嚴
恭廟像奠于家塾屈致賢師奉宣微言將使子
子孫之孝悌忠信德行道藝萃于一門以行先
聖之道今茲陽至敢荐苾芬以彰歸恩報德之
意

入賜第謁先聖祝文

先聖之道無往而不在則先聖之神無在而不
形神無在而不形立像以求之非謂神專在是
也蓋欲接之於目而著之于心爾某荷上異恩
賜第都下茲涓吉旦家絮來居欲子孫無一日
忘先聖之道故欲子孫無一日不存先聖之神
謹即家塾恭迎聖像爰及群賢敬荐觴豆神其
妥之以默裁我子孫之文行

建新第奉安回明山王并謝遺塵先主神

像文

某常聞之孫綽曰涉海則有方丈蓬萊登陸則
有回明天台皆塵外之窟宅神仙之所憩息者
某生長回明自謂方丈蓬萊與夫天台固難即

到四明在吾桑梓咫尺不知其所可乎是故游
雪竇登杖錫訪四明之真境人莫之知也意者
墮於荒唐其寔無有晚觀松陵集見皮陸所紀
謝先生之詞始知四明真有是境第無仙風道
骨不能到也然心常念之不忘去歲秋八月得
請東歸今儲皇賜以四明洞天四字始有意於
為圍揭是扁榜作為林泉以彷彿四明之真
日游息其間四海名士方外知識時歎吾與之
共譚名理且約不以腥穢沉吾勝地今將落成
工塑四明山王與先生之像以奉安焉庶幾英
靈時一至止以壽我此山視方丈蓬萊天台相
與不磨滅也千秋萬祀永錫我後香火之奉罔
敢寂寞

迎奉城隍并惠濟王祝文

鄞山蟠英甬水揚清鍾靈毓秀于鄞城中自有
吉地背負州治波環四圍久聚佳氣昔為驛亭
以舍使星既遭虜火酒壚是名喧之泣肆糟邱
漸漬一旦天恩舉是以賜其賜伊誰寔其東歸

玲瓏高峰激豔深地蜿蜒樓閣風烟灑落咄嗟
以就深宜行樂懿歟吾家得是光華傳之後裔
綿及無涯天造地設幾經歲月忽蒙皇慈廣此
闕閱恭惟大王闕厥土疆專以遺我作為寶坊
願移威力護持泉石鍾鼓園林子孫千億令此
一方安富久長錫我史氏享茲繁昌直下萬世
忠孝相繼期王香火永之弗替

焚妻贈黃祝文

某踰冠授室即與夫人約曰某不夭先考即世

已久慈親在堂兄弟五人某寔居長承顏順色
理合率先故日供定省夜則抱衾以待未嘗廢
於內也夫人安之復戒之曰吾家四壁汝賢橐
雖薄不可少靳毋使今日有違而異時有悔則
予汝宜夫人聽之於是罄竭以備甘旨裘葛至
其自奉澣濯粗糲幾無以充其口體宗族稱孝
焉意者積德既豐必生享厚報槩某遭際聖主
恩寵隆特而夫人沒已數年不及見也每一念
之酸鼻流涕粵自紹興三十一年至淳熙元年

其備數宗正少卿而封恭人及為侍從為執政
為尚書左僕射為觀文殿大學士為節度使為
開府儀同三司提舉臨安府洞霄宮遇郊祀大
禮追封邠國夫人淳熙四年三月某除少保觀
文殿大學士充醴泉觀使侍讀永國公妻追封
鎮國夫人淳熙五年三月某除右丞相衛國公
妻追封蜀國夫人淳熙五年十一月某解罷機
政除少傅保寧軍節度使充醴泉觀使兼侍讀
賜第于行都妻再封蜀國夫人淳熙六年九月

某遇明堂大禮妻追封魏國夫人淳熙八年五
月某除少師依前保寧軍節度使充醴泉觀使
魯國公妻再封魏國夫人淳熙九年九月某遇
明堂大禮妻再封魏國夫人淳熙十年十月某
除太保依前保寧軍節度使改封魏國公致仕
妻再封魏國夫人八加敷錫未曾恭款松楸荐
此異數是用精擇吉辰以淳熙十一年十月望
日躬率諸子若孫若曾孫與諸親姻迎奉贈告
展禮燭黃副以衣章告于幽域恭惟夫人艱難

貧悴雖脩歷於生前顯赫寵榮寔有光于身後
英後英魂可無憾矣予心尚庶幾伏冀鑒歆祇
服睿訓滋繁遺澤克祐本支覲此光榮繼之承
承益加隆厚雲仍百代忠孝不渝是為餘慶使
積善之效取驗吾家大勝不大幸

葬五祖衣冠招魂祝文

某少遭閔凶脩嘗孤苦壯依陰德獲塵仕路爰
從初階至于右輔歲時先祝三廟鼎俎原所自
出每懷悲慕淳熙戊戌聖主錫予許立家廟祀

五世祖時方罷政賜第在所越三四年請歸鄉
土乃克興工作新棟宇數陳幄次以奉神主惟
五世祖高祖父母二代五人實無墳墓春秋汎
掃哀無所寓子孫相視顙泚色沮遂諏吉壤以
圖安厝棺槨衣冠既周而其像形如生招魂合
祔東湖之東下水之塢歲：仙塋松楸繁舞肆
涓良日西望城府迎致英靈歸歟安處祈招之
辭載之別楮靈其來兮旌旗掀舉既宅斯藏安
寧千古祐我後人益昌厥緒躅潔致告奠茲有

醕惟靈歆之悉如詳語

鄮峯真隱漫錄卷回十二終

鄮峯真隱漫錄卷之四十三

祭文

祭八十叔父文

嗚呼仁者不必壽壽者不必有仁天曷敝予衷
族俄遽奪之善人嗟我季父孝於父母八躬定
省出當幹盡知無不為親始裕如闔門干指出
之不疏嗟我季父友于昆弟我父云沒實賴以
濟上水之阡松楸蕭然說者或謂後益綿之嗟
我季父信於州里急人之急奮不謀己物來能

名一以至誠隨彼巨細各得其誠嗟我季父耽
於典籍志窮精微不墮鹿跡探仁義於皇王究
治亂于家邦孰謂蘊荆山之美玉而竟不得發
其光嗟我季父美於詞翰氣飄飄而凌雲自謂
所得在於西漢文光萬丈筆力千鈞喬松晏室
撼風雨鷲鳥舉翮連青雲嗚呼備此數德不墜
貴位兩上禮闈事左不利名也如何公復知之
不愠于懷惟日嬉々王公貴勢蚊飛鷲遊世俗
炎涼曾不帶芥今歲始春虜騎破鄆公奉嚴親

奔于海垠曰姊妹姑五族以趨不間踈戚通其
有無盜將壓境俄有歸令公以一身活百人命
謂當百歲福祿是道胡為一疾止於四十有四
之春秋方公病亟祖喪三日尚未帶經哀號而
卒有以見終始於孝道周旋於禮律者也昔者
正而斃焉死生之際公獨比肩嗚呼哀哉公今
去矣有子童稚尚期遺德一日千里寔安是臨
敢奠薄菲拊棺一慟痛淪骨髓

祭妹朱辨之文

嗚呼蒼之者天其可問否耶造化之權其亦有
掣肘耶嗟之辨之不得其壽而徒得其孝謹忠
厚不畀以貴而徒畀以淵源師友家富於財不
遂享其安逸而徒遺少妻弱子於其身後嗚呼
蒼其果可問否耶造化其真有掣肘耶自我
女弟來嬪于君數年相從得君為人三同場屋
得君為文意君壽可黃髮而貴必青雲胡為坎
止三十回春去冬至日余妻抱疾榻來城居朝
不謀夕聞君病革既不獲問疾于床俄以訃至

又不獲往臨其喪今茲窀穸復當西去而裹糧
慨音容之邈矣姑乘奠于一觴嗚呼其知者謂
余多故而若此其不知者謂余與辨之遽以相
忘嗟嗟辨之死而不亡其靈如在庶幾鑿余之
衷腸

祭滕子駿文

嗚呼洪範五福壽為稱首好德考終以壽克究
嗟子駿百行具有天寔畀之於壽則否君之
學問可以鍼左氏之膏肓發公羊之墨守君之

文章可以齊李杜之光燭埒度尚之齋白君之
識見可以漸游夏之淵源窺孔孟之戶牖君之
議論可以敵肩玉之高談屈雌黃之衆口君之
氣宇可以激天池之三千吞雲夢之八九天胡
不仁獨嗇其壽使此數長無一獲信頃在賢關
謂宜成就四方英傑爭先師友洎丁秋闈弗克
論秀嗟之子駿嗇者何薄而昇者何厚念我昔
年謀生掣肘世情炎涼如飈覆手君時毅然挈
提左右羣朝聚誦君亦安受仰茲鉅德泰山北

意其身致青雲而壽斯黃耆豈伊一疾遽以不
救天曷其極先喪厥偶不踰旬時堂判二楹西
園悠然南挹群岫昔以賓朋飛觴燕豆今為同
穴松楸罔阜吊者盈門誰不悲疚幸君有子芝
蘭瓊玖異時騰奮寔大君後君其瞑目死當不
朽嗚呼方君之喪我適卧病于林藪及君之葬
我復裹糧而西走嗟泣奠之無從徒凝哀而奠
剖朔東風以寓文尚來歆於卮酒

祭叔母齊安郡夫人孫氏文

為母氏作

惟靈幽閨玉潔兮塵壺芳筭字來娛兮媚于尊
章相夫子而贊鈞衡兮闡化源于中堂寶綉繪
金銅兮拜寵渥之英煌寔天介其遐振兮規黃
罔而啟疆方嬉娛而宴喜兮暢偕老而色康臻
修景之希有兮樂化日之舒長俄夜壑之舟移
兮慨薤露之晞陽嗚呼哀哉我為冢婦靈寔介
兮方相得而益彰蒼顏鶴髮年相若兮孰為靈
遽返于仙鄉聰鼓盈於黼帳兮聞嬰慕而悲傷
幸佳域之兆吉兮將襄奉於東岡心旌搖兮遠

望身匏繫兮莫違盼靈輻之啟道兮紛兩淚而
滂滂寓哀情於寸紙兮陳菲儀於一觴靈而有
知兮擁珠葆而來嘗

祭諸葛機宜文

惟靈生長東嘉月評所推文來可觀德義可師
晚登上第世與我違閉門却掃不求聞知交游
勸勉結綬玉幾得官長樂枳棘早飛我帥七閩
一見奇之挈置幕府機密是咨叩之汪然如萬
頃阪即之飄然如千里騅刻奏九閩將設施胡

為一疾竟喪大期方君卧枕我即命醫君曰
病渴泉溺無時使人染指其甘如飴是殆將
死其又奚疑語又未信宿俄以訃馳使我恒為
咨嗟涕洟問其所親續何詞答云治命神色怡
怡疊紙數幅援筆一揮貽書故人俾訓吾兒有
田二頃可以無飢裂其疆半為姊妹賞迺祝母
氏善保壽祺某也不孝莫侍庭闈淮弟與妹尚
克扶持迺告室人吾其訣離死婦人手丈夫弗
為汝宜亟去勿過傷悲言訖奄然舉體如遺伊

君篤行出於天姿行年五十米玉無疵死生之
際不挂一絲賢者易簣哲人其萎君今掉鞅與
之同歸嗚呼我得君重君方我依今其往矣助
我者誰予以斯文莫寫哀思魂其來兮歎此一
危

祭汪聖錫端明文

惟公為善不期於近名而令聞廣譽若形影之
必隨翰忠不期於自衛而危言讜論若星日之
昭垂如文為世範政擅吏師則又天下以為不

可企及而公之所優為倍此數德皆世表儀獨
於濟時行道則若有物危其足而不得馳此易
筭之日學士大夫識與不識莫不咨嗟而涕洟
某生有幸會與公同時道山數月飽承風規外
溫而厲中曠而夷使人叩之無弗獲即之不忍
離而况酒酣握手各以器業而相期槩之古人
允謂已知蘇烏聞訃倍切哀思想公英爽御風
騎氣已徜徉於八極之表與造物者同歸視舊
游真若蚊雷之汙池儻未忘情歆我一庖

祭曾原伯大卿文

伊昔東魯秀萃山川萊蕪邨伯奕葉生賢跨漢
歷唐寂寥千年迄于我宋衣鉢始傳惟公有尊
道德純全文傑昭代炳遺編公為冢嗣風烈
隱然忠孝韞蓄亦輩淵騫出擁星軺主意備宜
歸聯月寺讞議無寬謂宜持橐亟上甘泉力以
所學陳于王前云胡小疾醫莫能痊仁者不壽
孰詰彼天尤可念者庭方殖萱想公齋志此恨
綿七幸今棣萼闊步吳躔晨昏定省得奉周旋

公其瞑目晚履塵緣道送世表造物差肩願
我與公雅相知憐茲聆訃音中實怛然匍匐往
救膂力既憊寓哀一奠心折涕漣

祭湖心廣福院魏王祠文

洪惟昭代克生賢王王出為郡我還故鄉邂逅
相遇念舊不忘或陪燕俎或和詩章間得共醉
樂未渠央我忽環台再坐廟堂玉猶符竹譽藹
龔黃遂加收伯寵命煌煌謂宜三錫八觀吾皇
蘭咳戲綵密侍清光九重注想指日沼漿夫何

屬疾趣駕莫遲及我告歸王已穴藏歸然壇墮
廟食此方碩瞻貌像寧不盡陽惟王陰德蔭美
甘棠雖云往矣死而不亡必與造物八極翱翔
今茲寓奠肴茗馨香王其來兮歆此一觴

祭陳丞相文

惟公德尊一代忠結兩朝身翔丹禁步穩青霄
追惟初政方撫弊凋惟時督府願翦天驕眾口
應和監梅莫調上乃命公入幕為寮公陳自治
用抑其議既不可遏卒至敗事人皆謂公緩頰

詞賞觀兵非時宜公本志暨公歸班上益注意
進長群材登庸政地乾坤清寧三光昭明水旱
不作萬國昇平赫々真主高宗周成是宜康輔
億載萬齡乃退急流鴻飛冥々雍容綠野為世
耆英方祈壽祉遽隨逝水天不慙遺人失依倚
云亡之歎情曷能已我昔定交更相知已挽公
上道逸駕同軌迄如所期歡好終始歲晚江湖
駱駝音書渠々問勞風義凜如問以詩筒健句
起予龍蛇飛動筆力豐腴老當益壯古語非虛

今其長往使我嗟吁幸哉有子台公是似地年
闕闕世濟其美公在九原可無憾矣載瞻青旌
邈數千里雲涕遺介真滋薄菲靈其來兮鑿我
心悵

妙太宜人安厝祭文

嗚呼我生膝下少姊二春姊在髫齡已如成人
惟祖父母及吾二親凡有疾苦色憂涕洟為粥
為葯靡懈昏晨迄于良已始克欣々我自提孩
病滿身膿潰澆染展轉嘔呻姊於是時便能撫

猶焚膏繼晷澣濯縫紉暨于諸弟友悌惟均伊
其稟賦實自天真故我祖母撫姊而云汝之敬
愛迥然不群知誰婦汝必有嘉姻長過陳門
事姑恂々姑亦祝姊受福無垠是故報施率
由穹冥身享上壽三拜恩綸子女盡孝靈
室家添々考終之日宗黨歸仁遺德在後踵武
武簪紳人生具此豈曰無因某掛冠歸老卜築
湖濱與姊居室相望為鄰良辰聚首豈樂斯頻
謂當期願同此燕中胡為小疾遽以沈淪使我

暮途觸景悲辛茲為寔寔以芳醇病阻臨穴
慟泣霑巾

祭表弟貝叔懷省幹文

惟靈學足裕身材能幹盡刻意儒業思紹父祖
場屋失利生計益寡出贅異縣期立門戶攻苦
食淡銖積寸累迄于有成居列倉庾我實中表
常加存撫晚存於朝遂蒙簪組捧檄丹邱權酌
是處廉介自將一毫不取意其遠大享衢濶步
豈伊微疾遽終官所嗚呼哀哉他人有命蔭子

封婦他人有家歌章舞女惟吾叔懷儉約如故
憂歷邱山樂無絲綫年踰上壽竟亡羈旅此鄉
黨親戚所以悼其晏暮有貨而不享憐其平生
徒勞而無補也二子奔喪靈輦克舉尚祈省似
以昌厥緒我欲往弔江山修阻寓哀薄奠有淚
如雨

祭潘德廊經畧

惟靈仕踵名宦學傳聖謨孝悌忠信分訓諸子
弟睦姻任恤分志諸鄉閭文章分士爭如膾炙

翰墨分人珍藏若金珠三畿甸分持節兩帥閫
分布宣上德分風行列郡撫育吾民分譽滿寰
區壽皇倦勤分遜寶位聖主嗣德分御羅圖亟
下絲綸分召為宰掾力輸悃悞分願息田廬茂
松菊分三徑佳山水分五夫上貪賢分猶煩共
理界舊職分遲次當塗明目分視千鍾為高燕
雀高懷分眇一世於錙銖被突梯脂韋分老字
行殺甘卑陬齷齪分大耋嗟吁以吾止足分較
彼奔競其相去分何啻清溝與汗渠方徜徉於

卷四十三
雲外子享人間之清福宜得壽於無窮子與彭
聃而為徒俄嬰疾兮腹有河魚之變正而終兮
又何羨於首邱之旅播紳頓感子為之傷蓋族
屬慙兮為之號呼念我平生兮投分甚密晚
聯姻好子愛女遣妻於吾維相望於異縣子一
潮汐而可至將杖履之適從兮命有階於盤盂
豈伊今日兮白王樓成於天上宿約乖違子乃
遽真於生芻願愆筋力子未獲拊棺而一慟寓
哀于辭兮徒涕泣以冰鬚

祭王季海丞相文

惟公生遭興運少負奇材金閨紫微演鄉雲黼
黻之詞藻玉堂黃閣陳尚臯都俞之謀謨周旋
半世之有餘敷歷兩地而幾徧不離京輦卒踐
禹司直道公心何恤風波之洶湧竭力盡瘁唯
期日月之昭臨撓不濁而澄不清柔不茹而剛
不吐難與流俗言也當於古人求之屬萱堂起
故鄉之思歸相印遂真祠之請樂林泉而未久
悵風木以纏悲劇巨吳堪痛淚致毀病唯啜粥

食不御葷氣血漸虛羸精神亦耗雖醫巫之並
用奈藥石之無功曾不終喪迄成長往會時逢
於揖遜慶治洽于雍熙當宇隆念舊之恩指日
馳奪情之命方之封之欲草儀龕露之先晞一
且卧聞兩宮痛悼始陞孤棘荐贈公槐肆冊典
之哀樂播寰區而輦動嗚呼論臣子之大戒惟
忠孝之二途公忠以事君誠而弗偽孝以事母
死且不渝此寔萬世之楷模豈特一時之矜式
宜乎高門陰德振在子孫蓋代洪勲銘諸彝鼎

有識共贊不約同辭念我生平與公友善題名
雁塔張預聯鑣遙跡鳳池居慙揚枕矧吾幼女
得壻賢郎既事契之綢繆故恩情之款審云止
之亟實涕何窮慨筋力之衰遲怯江山之修阻
凝睇千里寓哀一鵠靈其有知鑒此精意

祭無垢先生張公侍郎文

惟公學承正宗文肩前輩卓行珠玉淨無瑕類
射策廣庭英俊如蜩公以萬言奉當大對臚唱
哀然名喧海內持橐從班表率在位退食私門

室門多旌飾一世人龍孰不愛畏晚守承嘉更
課推最不施刑威專用教誨力叙彝倫俾俗純
粹某掌郡庠時適相值傾蓋忘年雅同聲氣乃
以旦日夜冠畢章端笏趨隅存牘見遺公云舉
詞深有旨味識超幾先意傳經外惟此八字三
宵不寐思而得之寔錄無愧佩服華衮銘在心
志子壻宰邑拜公墓隧命掃松楸常加葺治振
以竣事老懷良慰幽潛重光山明水媚九原可
作嗚呼茲地惟公生有威德沒為神類與造物

遊間頃一至千里寓真酒醪牲醢追念知己臨
風墮淚

祭沈叔晦國錄文

嗚呼叔晦淳真質稟不群試舉大畧可悉其人
以言其道得師深造優、聖域能窺閭奧以言
其材知悟心開何患事物紛至沓來以言其學
正而不駁因流知源橫渠伊洛以言其文傑出
橋門兩優上第若亞省元以言其狀修髯廣顙
鶴立羈羣咸知敬仰以言其言時然後宣齒牙

餘論學者爭嗚呼人有一善必膺世選君兼數
者乃不通顯遲次佐州效未及收遽以淪沒命
不為謀嗚呼上不獲終養於母氏下不逮延賞
於諸子此意蕭條可哀也已有酒既清有餽既
馨寓茲一真心折涕零

鄭峯真隱漫錄卷之四十三終

鄭峯真隱漫錄卷第四十五

大曲

採蓮 壽鄉詞

計報信延遍

霞霄上有壽鄉廣袤無際東極滄海縹緲虛無
蓬萊弱水風生屋浪鼓檝揚旂不許凡人得至
甚幽邃試右望金樞外西母樓玉闕瑤池萬頃
琉璃變成情巧方朔詼諧來往徜徉霓裳飄飄
寶砌更希奇

擷遍

南鄰丹幄宮赤伏顯符託朱陵耀綺繡箕翼炯
瑞光騰起每歲秋分老人見表皇家襲慶迎祺
天子當膺無疆萬歲北窺元冥魁杓擁佳氣長
拱極終古無移論南北東西相直何啻千萬里
信難計

入破

璇宇層雲上覆光景如梭逝惟此過隙緩征書
垂象森列昭回碧落卓然纏度炳曜更騰輝永

永清光暉焯綿回野金壁為地藥珠館瓊玳室
俱高峙千種奇葩松椿可比暗香幽馥歲々長
春陽烏何曾西委

袞遍

徧此境人樂康挾難老術悟長生理盡阿僧祇
劫赤松王令安期彭嶽咸矣尚為嬰稚鶴算龜
齡絳老休誇甲子鮐背聳黃髮垂髻更童顏長
鼓腹同游戲真是華胥行有歌坐有樂獻笑都
是神仙時見羣翁啟齒

宴催

露華霞液雲漿椒醕恣玉笋金罍交酬成雅會
拚沉醉中山千日未為長久今此陶之一飲動
經萬祀陳果菘皆是奇異似瓜如斗盡備三千
歲一熟珍味飮坐中瑩似玉爽口流涎三偷不
枉西真指議

哀

有珍饈時、饋滑甘豐膩紫芝笑煙嫩菊秀媚
貯碼瑙琥珀精器延年益壽莫擬人間烹飪徒

費休說龍肝鳳髓勤妙樂仙音聘沛玉簫清瑤
瑟美龍荀脆雜還飛鳶花裊上趁柏紅牙餘韻
悠颺竟海變桑田未止

歌拍

其間有洞天侶思遊塵世珠葆搖曳華表真人
清江使者相從密議此遨嬉我輩應須隨侍正
舉步忽思同類十八公方聳壑宜邀致鳳駕星
言人爭圖繪縵來鄞山甬水因此宗成四明里
第

熬宸

吾皇喜光寵無貳玉帶金魚榮貴或者疑之豈
識聖明曾主斯鄉嘗相與儘遣繆漆何可相
離今日風雲合契此是天意吾皇聖壽無疆享
晏粲千載相逢我翁亦昌熾永作昇平上瑞

採蓮舞

五人一子對廳立竹竿子勾念

伏以濃陰緩轡化國之日舒以長清奏當筵治
世之音安以樂霞舒絳綵玉照鈿華玲瓏環珮

之聲綽約神仙之伍朝過金闕宴集瑤池將陳
倚棹之歌式侑回風之舞宜邀勝伴用合仙音
女伴相將採蓮入隊

勾念了後行吹雙頭蓮令舞上分作五

方竹竿子又勾念

伏以波涵碧玉搖萬頃之寒光風動青蘋聽數
聲之幽韻芝華雜還羽憶飄飄疑紫府之羣英
集綺筵之雅宴更憑樂部齊邇來音

勾念了後行吹採蓮令舞轉作一直了

眾唱採蓮令
練光浮烟歛澄波渺燕脂濕靚粧初了綠雲嫩
上露深處的皜真珠小籠嬌媚輕盈佇眺無言
不見仙娥凝望蓬萊玉闕忽鎮瑣佳麗春
難老銀潢急星槎飛到暫離金砌為愛此極目
香紅遠倚蘭棹清歌縹緲隔花初見楚風流
年少

唱了後行吹採蓮令舞分作五方竹竿
子勾念

伏以過雲妙嚮初容興於波間回雪奇容乍
妥於澤畔愛芙蓉之豔冶有蘭芷之芳馨蹊蹠
凌波洛浦未饒於獨步雍容解佩漢皋諒得以
齊驅宜到堦前分明祇對

花心出念

但兒等玉京待席久陟仙階雲路馳驟乍遊塵
世喜聖明之際會臻夷夏之清寧聊尋澤園之
芳雅寄丹臺之曲不慚鄙俚少頌昇平未敢自
專伏候處分

竹竿子問念

既有清歌妙舞何不獻呈

花心答問

舊樂何在

竹竿子再問念

一部儼然

花心答念

再韻前來

念了後行吹採蓮曲破五人眾舞列入

破先兩人舞出舞到洞上住當立處訖

又二人舞又住當立處然後花心舞徹

竹竿子念

伏以仙裙搖曳擁雲羅霧縠之奇紅袖翩翩極
鸞翻鳳翰之妙再呈獻瑞一洗凡容已奏新詞
更留雅詠

念了花心念詩

我本清都侍玉皇乘雲馭鶴到仙鄉輕舸一葉
烟波濶嗜此秋潭萬斛香

念了後行吹漁家傲花心舞上折花了
唱漁家傲

藥沼清冷涓滴水迤、烟浪三千里微翠青房
包綉綺薰風裏幽芳沈盡閑桃李 羽筆飄蕭
塵外侶相呼短棹輕隈倚一片清耿天際起
尤羨獲、驚起鴛鴦睡

唱了後行吹漁家傲五人舞換座當花
心立人念詩

我昔瑤池飽宴遊羯來樂國已三秋水晶宮裏

尋幽伴箇箇香中蕩小舟

念了後行吹漁家傲花心舞上折花了

唱漁家傲

翠蓋參差森玉柄迎風灑露香無定不著塵沙
真體淨蘆花徑酒侵酥臉霞相映棹撥木蘭
烟水暝月華如練秋空靜一曲悠颺沙鷺飛率
清興香紅已滿蒹葭艇

唱了後行吹漁家傲五人舞換座當花

心立人念詩

我弄雲和萬古聲至今江上數峰青
幽泉一曲今憑棹楚客還應著耳聽

念了後行吹漁家傲花心舞上折花了

唱漁家傲

草軟沙平風掠岸青
簑一釣烟江畔荷葉為裯
花作慢知誰伴醇醪只把鱸魚換
盤縷銀絲杯自煖蓬牕醉着無人喚
逗得醒來橫梳篦清歌緩彩鷺飛去紅雲亂

唱了後行吹漁家傲五人舞換座當花

心立人念詩

我是天孫織錦工
龍梭一擲度晴空
蘭橈不逐仙槎去
貪擷芙蓉萬朵紅

念了後行吹漁家傲花心舞上折花了

唱漁家傲

太華峯頂冰玉沼
開花十丈千雲杪
風散天香聞四表
知多少亭上碧葉何曾老
試翹霏烟登鳥道
丹崖步上祥光遠
折得一枝歸月暗
蓬萊霞裙侍女爭言好

唱了後行吹漁家傲五人舞換座當花
我入桃源避世紛太平才出振君恩白龜已閱
千千歲卻把蓮巢作酒樽
念了後行吹漁家傲花心舞上折花了
唱漁家傲
珠露溥溥清玉宇霞標綽約消煩暑時馭清風
之帝所尋舊侶三千仙仗臨烟渚
昨暈飄飄
來復去漁翁問我居何處笑把紅葉呼鶴馭回

頭語壺中自有朝天路

唱了後行吹漁家傲五人舞換座如初

竹竿子句念

伏以珍符存至朝廷之道格高深年穀屢豐郡
邑之和薰遊邁式均歡燕用樂清時感游女於
仙術詠奇葩於水國折來和月露灑霞腮舞處
隨風香盈翠袖既徜徉於玉砌宜宛轉於雕梁
爰有佳賓翼聞清唱

念了衆唱畫堂春

彤霞出水弄幽姿
娉婷玉面相宜
棹歌先得一枝
枝波上畫鯨飛
向此畫堂高會
幽韻散堪引
瑤危幸然逢此
太平時不醉可
無歸
唱了後行吹畫
堂春衆舞舞了
衆又唱
河傳
葉宮闈苑聽鈞
天帝樂知他幾
遍爭似人間一
曲採蓮新傳柳
腰輕鶯舌轉
逍遙烟浪誰羈
絆無奈天階早
已催班轉卻駕
彩鶯笑握芙蓉
斜盼願年年陪
此宴

唱了後行吹河傳衆舞了竹竿子念
遣隊

浣花一曲媚江城
雅合鳧鷖醉太平
楚澤清秋餘白浪
芳枝今已屬飛瓊
歌舞既闌相將
好去念了後行吹
雙頭蓮令五人
舞轉作一行對
廳杖鼓出場

太清舞

後行吹道引曲子
迎五人上對廳
一直立樂徑竹竿
子勾念

洞天門闕鎖烟蘿瓊室瑤臺瑞氣多欲識仙凡
光景異歡謠須聽太清歌

花心念

伏以獸爐縹緲噴祥烟玳席熒煌開邃幄諦視
人間之景物何殊洞府之風光恭惟衮綉主人
簪纓貴客或碧瞳漆髮或綠鬢童顏雄辯風生
英姿玉立曾向蕊宮貝闕為逍遙游俱膺丹篆
玉書作神仙伴故今此會式契前蹤但免尋偶
到塵寰欣逢雅宴欲陳末藝上助清歡未敢自

專伏候處分

竹竿子問念

既有清歌妙舞何不獻呈

花心答念

舊樂何在

竹竿子問念

一部儼然

花心答念

再韵前來

念了後行吹太清歌衆舞訖衆唱

武陵自古神仙府有漁人迷路洞戶迸寒泉汎
桃花容與尋花逸遷見靈光捨扁舟飄然入
去注目渺紅霞有人家無數

唱了後行吹太清歌衆舞訖訖訖花心唱

須臾却有人相顧把肴漿來聚禮數既雍容更
衣冠淳古漁人方問此方鄉衆顰眉皆能深
訴元是避嬴秦共携家來住

唱了後吹行太清歌衆舞換座當花心

一人唱

當時脫得長城苦但照朝暮上帝錫長生任
跳丸烏兔種桃千萬已成陰望家鄉杳然何
處從此與凡人隔雲霄烟雨

一人唱

漁舟之子來何所盡相猜相語夜宿玉堂空見
火輪飛舞凡心有慮尚依然後歸指離舟沙
浦回首已茫茫歎愚迷不悟

前回首唱了後行吹太清歌衆舞換座當花心
我今來訪烟霞侶涕華堂簫鼓疑是奏鈞天燕
瑤池金母卻將桃種散階除俾華實須看三
度方記古人言信有緣相遇
唱了後行吹太清歌衆舞換座當花心
雲翥羽憶仙風舉指丹霄烟舞霧行作玉京朝
趨兩班鷓鴣鷺玲瓏環珮擁霓裳卻自有蕭韶

隨步含笑囑芳筵後會須來赴

唱了後行吹太清歌衆舞訖竹竿子

念

欣聽嘉音備詳仙跡固知玉步欲反雲程宜少
駐於香車佇再聞於雅詠

念了花心念

但兒等暫離仙島來止洞天屬當嘉節之臨行
有清都之覲芝華羽葆已雜還於青冥玉女仙
童正逢迎於黃道既承嘉命聊具新篇

仙家日月如天遠人世光陰若電飛絕唱已聞
驚列座地年同步太清歸

念了衆唱破子

游塵世到仙鄉喜君王躋治虞唐文德格遐荒
四裔盡來王干戈偃息歲豐穰三萬里農桑歸
去告穹蒼錫聖壽無疆

唱了後行吹步虛子四人舞上勸花心

酒花心復勸：訖來舞列作一字行竹

竿子念道隊

仙音縹緲麗句清新既歸美於皇家復激昂於
坐客桃源歸路鶴馭迎風拍手階前相將好去

念了後行吹步虛子出場

柘枝舞

五人對廳一直立竹竿子勾念

伏以瑞日重光清風應候金石照竹間六律以
皆調襟袂瓊離賀回夷之率伏請翻妙舞來逢
多歡鼓吹連催柘枝入隊

念了後行吹引子半段入場連吹柘枝
令分作五方舞了竹竿子又念

適見金鈴錯落錦帽蹁躑芳年玉腕之英童翠
袂紅綃之麗服雅檀西戎之舞似非中國之人
宜到階前分明祇對

念了花心出念

但兒等名參樂府幼習舞容當芳宴以宏開屬
雅音而合奏敢呈末技用讚清歌未敢自專伏
候處分

念了竹竿子問念

既有清歌妙舞何不獻呈

花心答念

舊樂何在

竹竿問念

一部儼然

花心答念

再詞前來

念了後行吹三臺一遍五人舞拜起舞

後行再吹射鵰遍連歌頭舞了衆唱歌
頭

人奉聖

主

留

伊得荷雲戲幸遇文明堯階上太平時

何不罷歲征舞柘枝

唱了後行吹柔肩遍吹了連吹撲胡蝶

遍又吹畫眉遍舞轉謝酒了衆唱柘枝

令

我是柘枝嬌女多風措

住深

妙學得柘枝舞頭戴鳳冠織腰素素

遍體錦衣裳來獻呈歌舞

又唱

回頭卻望塵寰去喧畫堂簫鼓整雲鬟搖曳青

綃愛一曲柘枝舞好趨華封感祝笑共指南山

烟霧蟠桃仙酒醉昇平望鳳樓歸路

唱了後行吹柘枝令衆舞了竹竿子念

遣隊

雅音震作既呈儀鳳之吟妙舞徇翔巧著飛鸞

之態已洽歡娛綺席暫歸縹緲仙都再拜階前
相將好去

念了後行吹柝枝令出隊

...

...

...

...

...

鄭峯真隱漫錄卷之四十五終

...

之態已洽歡娛綺席暫歸深渺仙都再拜階前
相將好去

念了後行次拓校令出隊

節奉真隱漫錄卷之四十五終

